

Inuit A-nik akissarsiaqartut 1. januar 2014 aallarnerfigalugu sulinerminnut ilanngaatisiaqalernissaat siunertaralugu Akileraartarnermut inatsisip allanngortinnissaata eqqunnissaanut aningaasalersornissaanullu tunngavissamik nassuiaammik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaat saqqummiunneqassaaq Inatsisartut 2013-mi upernaakkut ataatsimiinneranni, taamaasilluni aliangiinnermut ilanngaatip eqqunnerata aningaasatigut kingunissai 2014-mut Aningaasanut Inatsisissamut atatillugu tulleriiaarinermi ilanngunneqarsinnaaniassammata

Inatsisartunut ilaasortamit Andreas Uldumimit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

ISUMALIUTISSIISSUTAA

Siunnersuutip aappassaaneerneqarneranut saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Andreas Uldum, Demokraatit, siulittaasoq

Inatsisartunut ilaasortaq Debora Kleist, Inuit Ataqtigiit

Inatsisartunut ilaasortaq Naaja Nathanielsen, Inuit Ataqtigiit

Inatsisartunut ilaasortaq Aqqaluaq B. Egede, Inuit Ataqtigiit

Inatsisartunut ilaasortaq Per Berthelsen, Siumut

Inatsisartunut ilaasortaq Finn Karlsen, Siumut

Inatsisartunut ilaasortaq Siverth K. Heilmann, Atassut

UKA 2012-imi ulloq 10. oktober siullermeerinerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Inuit A-nik akissarsiaqartut sulinerminnut ilanngaatisiaqalernissaasa eqqunneqarnissaanut aningaasalersornissaanullu periarfissat pillugit nassuiaasiornissaq siunnersuutikkut kissaatigineqarpoq. Nassuiaatip Inatsisartunut 2013-imi upernaakkut saqqummiunneqarnissaa kissaatigineqarpoq, taamaaliornikkut sulinermut ilanngaammik eqqussinerup aningaasatigut kingunerisassai 2014-imi aningaasanut inatsisissatut siunnersuummut tunngatillugu aningaasanik pingaarnersiulluni tulleriinnilersuinnermut ilaatinneqarsinnaaqullugit.

Amerlanerit sulinernissaannik - aammalu pisortanit ikiorsiissuteqarnermut taarsiullugu sulinerup ataasiakkaanut akilersinnaanissaannik - kissaateqarneq siunnersuummut tunuliaqutaavoq. Amerlanerit sulilernissamut kajumilersinneqarnissaannut sulinerup ilanngaammik atulersitsineq sakkussatut pitsaasutut siunnersuuteqartumit isigineqarpoq.

Tamanna tunngavigalugu sulinerup ilanngaammik atulersitsinerup inuiaqatigiit aningaasaqarnerannut, inuit ataasiakkaat aningaasaqarnerannut aammalu suliffeqarnermut qanoq kinguneqarsinnaanerata naliliiffiginissaanut ilisimasatigut tunngavissaqalernissaq siunnersuutikkut siunertarinerpoq. Kiisalu sulinerup ilanngaammik atulersitsinerup aningaasalersuutissatut periarfissat nassuiaatigineqarnissaat siunnersuuteqartup kissaatigaa.

Siunnersuutip Inatsisartunit siullermeerneqarnera

Partiit amerlanerpaartaannit siunnersuut tapersorneqarpoq. Inuit Ataqtigiit oqaatigaat nassuiaateqarnissamik siunnersuut tapersorneqartoq, qularutigaluguli sulinerup ilanngaammik atulersitsineq kissaatigineqartutut sunniuteqassanersoq, taamaattumillu sulinerup ilanngaatip pingaarnertut sunniutissai aammalu taamatut piginnaatitaasussaangitsunut kingunissai nassuiaammi isummerfigineqassasut kissaatigineqarluni.

Siumup siunnersuut tapersersunngilaa, isumaqaramik sulinerup ilanngaat siunnersuummi nassuiarneqarnini malillugu innuttaasunut piomassuserinngisaminnik suliffissaqanngitsunut eqquissasoq, tamannalu annertuumik suliffissaaleqiffiup nalaani naammaginangitsutut isigineqarpoq. Sulinerup ilanngaatip isumaliutigineqannginnerani suliffissaqartitsiniarnerup malunnaatilimmik suliniutigineqaaqarnissaa Siumumit kissaatigineqarpoq. Kiisalu Siumut isumaqarpoq siunnersuut allaffissornermut aningaasartuutit annertuumik amerleriarnernannik kinguneqarsinnaasoq.

Demokraatit siunnersuut tapersersorpaat, tassa ilaatigut isumaqartoqarmat siunnersuutikkut suliffissaaleqisut suliffissarsiornissamut kajumilersinneqassasut.

Atassutip siunnersuut taperserpaa, tassa sulinerup akileraarutit appartinneqarnissaannut aammalu suliffinnik nutaanik pilersitsinissamut alloriarnertut isigineqarmat, taamaalillunilu pisortanit ikiorsiissutinik pisartagaqartut amerliartornissaraluannik pinngitsoortitsissalluni.

Naalakkersuisut akissuteqaatiminni allapput nassuiaatip, suliffeqarnerup ilanngaammik atulersitsinnaanermut periarfissat misissornernerannik imqartup, 2013-imi upernaakkut ataatsimiinnermi agguanneqarnissaa pilersaarutigineqartoq.

Ataatsimiititaliap siunnersuummik suliarinninnera

Suliffeqarnerup ilanngaatip siunertaraa amerlanerit allanit pilersorneqarnerup suliffeqalernissamut kajumissuseqalersinnissaat. Taamaaliornikkut suliffeqarnerup ilanngaat suliffeqarnissap pilerinarnernernanut peqataaqataasinnaavoq. Tamanna aallaavigalugu inuit ataasiakkaat suliffeqanngissimallutik suliffeqalernerminni aningaasat atorsinnaasamik amerlanerulernerat misigissagaat pingaaruteqarpoq. Suliffeqarnerup ilanngaatip

atulerneratigut, pilersuisoq ataaseq marluullutilluunniit sulilerpata, inoqutigiit aningaasat atorsinnaasaasa allannguutissaat pillugit naatsorsuinerit pisariitsut nassuiaammi ilanngunneqarnissaat ataatsimiititaliamit kissaatiginartinneqarpoq. Kiisalu suliffeqarnermut ilanngaat atuutilersinneqarpat akileraarutinit isertitat ikilinerisigut pisortanut tamanna qanoq kinguneqassanersoq nalilerneqartariaqarpoq, tamannalu suliffissaaleqisut ikilissappata/ikilippata pisortat sipaarutaannut sanillinneqassalluni. Tassunga atatillugu suliffeqarnermut ilanngaat qanoq aningaasalersorneqarsinnaanersoq pillugu Naalackersuisut isumaliutigisaannik nassuiaat imaqartariaqarpoq.

Suliffeqarnermut ilanngaatip sunniuteqarnissaa piviusunnigortinneqarsinnaassappat suliffeqarnermut ilanngaatip ineqarnermut isumaginninnermullu inatsisinut attuumassuteqarnera eqqumaffigineqartariaqarpoq. Isumaginninnikkut ineqarnikkullu ullumikkut tunniuttakkat aallaavigalugit suliffeqarnermut ilanngaatip immikkoortillugu atulersinneqarnera kissaatigineqartutut pitsaasumik sunniuteqassanngitsoq ilimanarsinnaavoq. Tassunga atatillugu suliffeqarnermut ilanngaammik atulersitsinissaanermut periarfissat misissorneqarnissaannut suliffeqarnermi illuatungiusut suleqatigineqalersimasut kiisalu isumaginninnermut, ineqarnermut akileraartarnermullu tunngasuni iluarsaaqqinnerit pilersaarutaasut saqqummiunneqannginneranni suleqatiginnerup inernerit nassuiaatikkut Inatsisartunut saqqummiunneqarnissaat pissusissamisuussasoq Naalackersuisut akissuteqaamminni allapput. Taamaalillunilu suliffeqarnermut ilanngaataasinnaasoq isumaginninnermut tunngasuni iluarsaaqqinnermut atatillugu Naalackersuisunit nalilerneqalersaartoq ataatsimiititaliamit naatsorsuutigineqarpoq. Kiisalu siunnersuutip ilai pingaarutillit iluarsaaqqinnermik pilersaarutaasutut Naalackersuisut suliaqarnerannut atatillugu piviusunnigortinneqassasut ataatsimiititaliamit maluginiarneqarpoq.

Nunatsinni akileraartitseriiaatsip ilisarnaatigaa pisariitsumik ilusiligaanini. Pisariitsuunerata attatiinnarneqarnissaata anguniarnissaa isumatusaarnerussasoq ataatsimiititaliaq isumaqarpoq, tassami innuttaasut ikittunnguunerisa kingunerisaannik akileraartarnermik allannguinnermi sunniutissatut kissaatigineqartut allaffissornermut aningaasartuutit qaffariarnerisigut suujunnaarsinneqaratarsinnaasarmata malunnaataarutsinneqarsinnaasarlutilluunniit. Suliffeqarnermut ilanngaammik atulersitsinissaaneq pillugu nassuiaammi apeqqut taanna Naalackersuisunit soorunami assut alaatsinaanneqartariaqarpoq.

Suliffeqarnermi ilanngaat suliffilinnut sammititaammat aammalu atuutilersinneqarsinnaanera amerlanerusut sulilernissamut kajumilersinneqarnissaannik anguniagaqarfiussammat ilanngaat suliffillit suliffeqanngitsullu inuiaqatigiinni naligiinnginnerisa annertunerulerneranik nassataqaratarsinnaavoq. Siusinnerusukkut oqaatigineqareersutut suliffeqarnermut ilanngaatip sunniutissaa ineqarnermut isumaginninnermullu inatsisit pissutigalugit suujunnaarsinneqaratarsinnaavoq aammalu suliffeqarnermut ilanngaatip naligiinnginnermut sunniutissai pillugit naliliineq nassuiaammut ilaatinneqartariaqarpoq, ineqarnermut isumaginninnermullu iluarsaaqqittoqarnerani aammalu

iluarsaaqqittoqanngippat.

Tamatuma saniatigut suliffeqarnermut ilanngaatic kisimiillutik pilersuisunut sammisunngortinneqarnissaa naleqquttuunersoq imaluunniit kisimiillutik pilersuisut qaffasinnerusumik sulinermit ilanngaateqartitaassanersut isumalutigeqqullugu Naalackersuisut ataatsimiititaliamit kaammattorneqarput. Arbejderbevægelsens Erhvervsrådip marts 2012-imi misissueqqissaarnerani inerniliunneqarpoq sulinermit ilanngaatic sunniutaanic kisimiillutik pilersuisut immikkut sunnerneqassasut. Ataatsimiititaliamilli oqaatigineqassaaq Kalaallit Nunaanni aammalu Danmarkimi isumaginninnikkut tunniunneqartartut assigiinngissutaasa kingunerisaannik inerniliunneqartut nunatsinnut toqqaannartumik nuunneqarsinnaannginnissaat ilimanarsinnaasoq. Ineqarnermut isumaginninnermullu nunatsinni inatsisinut sanilliullugu pilersuisunut kisimiittunut qaffasinnerusumik sulinermit ilanngaateqartitsisinnaanermut periarfissat tamatumalu sunniutissai, naatsorsuinernik paasiuminartunik ilaqartinneqarsinnaasut, nassuiaammi Naalackersuisunit isumaliutigineqartariaqarput.

Piffissat ilinniarnermik ingerlatsiffiusut sivikillinerannut sulinermit ilanngaateqarneq peqataaqataasinnaasoq siunnersuuteqartumik ilaatigut oqaatigineqartoq ataatsimiititaliamit maluginiarneqarpoq. Qaffasissumik ilinniarsimasunik inuiaqatigiit amigaateqarneranni suliniut ilinniartut ilinniakkaminnik naammassinninnissaannut kajumilersitsisoq pitsaasuvoq. Akerlianilli inuusuttut atuarfimmik naammassinninnermik kingorna toqqaannartumik suliffeqalernissamat imaluunniit ilinniakkaminnik taamaatitsiinnarnissamat suliffeqarnermut ilanngaammit kajumilersinneqassappata naapertuuttuussanngilaq. Apeqqut taanna Naalackersuisunit nassuiaammut ilanngunneqartariaqarpoq.

Naggasiullugulu inuit A-nik akissarsiaqartut saniatigut suliffeqartunut allanut, B-nilli akissarsiaqartutut nalunaaruteqartartunut soorlu namminersortutut inuusutissarsiuteqartunut, suliffeqarnermut ilanngaatic aamma atortinneqarnissaani aningaasaqarnikkut allaffissornikkullu kingunerisassat isumaliutigeqqullugit Naalackersuisut ataatsimiititaliamit qinnuigineqarput.

Siunnersuutip aningaasatigut kingunissai

Aalajangiiffigisassatut siunnersuummik akuersissutiginninnikkut suliffeqarnermut ilanngaammik atulersitsinissamat periarfissat pillugit nassuiaasiornissamat saqqummiussinissamullu Naalackersuisut taamaallaat peqquneqartut ataatsimiititaliaq isumaqarpoq. Suliassaq taanna allaffissornikkut maanna atugassarititaasut iluini isumagineqarsinnaasoq ataatsimiititaliamit ilimagineqarpoq, tamannalu isumaginninnerup, ineqarnerup akileraartarnerullu iluani iluarsaaqqinnermut aallarnisarneqareersumut atatillugu sulinerup ingerlanneqarnissaanic Naalackersuisut oqariartuuteqarnerannik taparserneqarpoq.

Ataatsimiititaliap inassuteqaatai

Siunnersuut akuerineqassasoq **ataatsimiititaliami amerlanerussuteqartut** Inuit Ataqatigiit, Demokraatit aamma Atassutip **inassutigaat.**

Ataatsimiititaliami ikinnerussuteqartut Siumumeersut siunnersuut pillugu ima oqaaseqaateqarumapput:

Piffissami annertumik suliffissaaleqiffiusumi inunnik suliffissaqanngitsunik toqqaannanngikkaluamik pillaaneq pitsaasutut imaluunniit naapertuilluarnertut Siumumit isigineqanngilaq. Inunnik suliffeqarnerinnaat pissutigalugu aningaasannatsitsinissaq, taamaalillunilu inuit namminneq piumassuserinngisaminnik suliffeqanngitsut aningaasaqarnikkut sulii inorsarnerulernerannik pilersitsineq, nammaqatigiinnerunngilaq. Suliffissaqartitsiniarnerup siuarsarnissaanut aammalu suliffeqarnermut ilanngaammik eqqartuilinnginnermi aaqqissuusaanermik pissuteqartumik suliffissaaleqinermik ajornartorsiut aaqqinniarlugu malunnaatilimmik iliuuseqarnissaq Siumumit kissaatigineqarpoq.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut itigartinneqassasoq inassutigaat.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Andreas Uldum, Siulittaasoq

f./Olga P. Berthelsen

Naaja Nathanielsen

Aqqaluaq B. Egede

Per Berthelsen

Finn Karlsen

Siverth K. Heilmann